

清·鮑廷博輯

知不足齋叢書

十

中文出版社

第十冊

攬轡錄 (宋范成大)	六〇八七
摩鷲錄 (宋范成大)	六〇九三
桂海虞衡志 (宋范成大)	六一〇七
北行日錄 (宋樓鑰)	六一二九
放翁家訓 (宋陸游)	六一五七
庶齋老學叢談 (金盛如梓)	六一六三
湛淵遺稿 (元白珽)	六二〇七
趙待制遺稿 (元趙雍)	六二三一
澤京雜咏 (元楊允孚)	六二三九
陽春集 (宋米友仁)	六二四九
草窗詞 (宋周密)	六二五三
吹劍錄外集 (宋俞文豹)	六二八一
宋遺民錄 (明程敏政)	六三一五
天地間集 (宋謝翱)	六四二七
宋舊宮人詩詞	六四三一
竹譜詳錄 (元李衍)	六四二五
書學捷要 (清朱履貞)	六五二七
履齋示兒編 (宋孫奕)	六五五九

攬
轡
錄

攬轡錄

吳郡范成大撰

乾道六年閏五月戊子成大被命以資政殿大學士與崇信節度使康誥爲奉使大金國信使副六月甲子出國門

八月戊午度准金遣尚書兵部郎中田彥皋行侍御史完顏德溫爲接件使副皆帶銀牌金花出使者必帶牌有金銀木之別上有女真書准勅急遞字及阿骨打花押宜差者所至視三品朝旨差者視五品

庚申過虞姬墓墓在路左雙石門出藁草間往來觀者

攬轡錄

知不足齋叢書

成蹊

甲子至南京金改爲歸德府過雷萬春墓塋以小牆榜曰忠勇雷公之墓西門外南望有宋王臺及張巡許遠廟世稱雙廟睢陽人又謂之雙王廟

丙寅過雍丘縣二十里過空桑世傳伊尹生於此一里過伊尹墓道右有甌堠石刻云湯相伊公之墓過陳留縣縣有留侯廟西門外十里孟莊有孟姜女廟

丁卯過東御園卽宜春苑也頽垣荒草而已二里至東京金改爲南京入新宋門卽朝陽門也金改曰宏仁門

彌望黍荒墟入新宋門卽麗景門也金改爲賓雁門過

大相國寺傾簷缺吻無復舊觀橫入東御廊門絕穿橋

北馳道出西御廊門過交鈔處交鈔所者金本無錢惟

湯王亮嘗一鑄正隆錢絕不多餘悉用中國舊錢又不

欲爾錢於河南故仿中國楮幣於汴京置局造官會謂

之交錢擬見錢行使而陰收銅錢悉運而北過河卽用

見錢不用鈔鈔文曰南京交鈔所准戶部符尚書省批

降檢會昨奏南京置局印造一貫至三貫例交鈔許人

納錢給鈔河南路官私作見錢流轉若赴庫支取卽時

攬轡錄

知不足齋叢書

給付每貫輸工墨錢十五文七年納換別給錢以七十

爲陌偽造者處斬捕告者賞錢三百千前後有戶部管

當令史幹當官交鈔庫使副書押四圍畫雲鶴爲飾焉

入都亭驛歇泊舊京自城破後創痍不復湯王亮徙居

燕山始以爲南都獨崇飾宮闕比舊加壯麗民間荒殘

自若新城內大抵皆墟至有犂爲田處舊城內簾布肆

皆苟活而已四望時見樓閣崢嶸皆舊宮觀寺宇無不

頽毀民亦久習胡俗態度嗜好與之俱化最甚者衣裳

之類其製盡爲胡矣自過淮已北皆然而京師尤其惟

婦人之服不甚改而戴冠者絕少多結髻貴人家卽用珠龍璫昌之謂之方髻

庚午出驛循東御廊百七十餘間有面西極星門大街直東出舊景靈東宮也過極星門側望端門舊宣德樓也金改爲承天門五門如畫兩傍左右昇龍門東至西角樓轉東鑰匙頭街御廊對皇城俱東出廊可二百餘間過左掖門至皇城東角樓廊亦如畫出禁樓街轉上市馬行街出舊封上門卽安遠門也金改爲元武門門西金水河舊夾城曲江之處河中臥石礪硯皆良岳所

攬轡錄

三知不足齋叢書

遺過藥市橋街舊衍宅龍德宮損芳櫺景二園樓觀俱存顏芳中喜春堂猶然所謂八滴水閣者使屬官更望者皆隕涕不自勝金今則以爲上林所過清輝橋出新封上門舊景陽門也金改爲柔遠館

壬申過伏道有扁鵲墓墓上有幡竿人傳云四傍土可以爲藥或於土中得小團黑褐色以治疾伏道又醫家最貴之十里卽湯陰縣

癸卯過羗河上有羗里城四垣儼然居民林木滿其中過相州市有秦樓翠樓康樂樓月白風清樓皆旗亭也

秦樓有胡婦衣金縷鵝紅大袖袍金縷紫勒帛簾旻語云是宗室女郡守家也遺黎往往垂涕嗟指使人云此中華佛國人也老姬跪拜者尤多其錦堂尚存金甍更修飾之過漳河入曹操講武城周遭十數里城外有操疑冢七十二散在數里傳云操冢正在古寺中高祔墓在道傍碑云魏侍中黃鉞太尉錄尚書事渤海高公諡字飛爵其事迹不見於史

攬轡錄

四知不足齋叢書

甲戌過臺城鎮故城延袤數十里城中有靈臺坡池邯鄲人春時傾城出祭趙王歌舞其上城傍有康顏閣相洞其首別一竿縛茅浸酒揭於上云女真人用以祭天禳病

甲子過沙河六十里至柏鄉縣縣人云沙河直東有堯山縣古堯山也堯葬焉寺有放勳廟

乙酉過良鄉縣是日大風幾拔木接伴使云此謂之信風使人遠來此風先報便入城也

丙戌燕山城外燕賓館燕至畢與館伴使副並馬行柳隄緣城過新石橋中以杈子隔絕道左邊過橋入豐安

門卽外城門也過石玉橋燕石色如玉上分三道皆以欄楯隔之雕刻極工中爲御路亦開以杈子兩傍有小亭中有碑曰龍津橋入宣陽門金書額兩頭有小四角亭卽登門路也樓下分三門中門爲御路常闔皆畫龍兩傍門通行皆畫鳳入門北望其闕由西御廊首轉西至會同館

戊子早入見上馬出館復循西御廊至橫道至東御廊首轉北循簷行幾二百間廊分三節每節一門路東出第一門通街第二門通毬場第三門太廟廟中有樓將

攬轡錄

五知不足齋叢書

至宮城廊卽東轉又百許間其西亦有三間出門但不知所通何處望之皆民居東西廊中馳道甚闊兩傍有溝溝上植柳兩廊屋脊皆覆以青琉璃瓦宮闕門戶卽純用之馳道之北卽端門十一間曰應天門之舊嘗名通天亦開兩挾有樓如左右昇龍之制東西兩角樓每樓次第攢三簷與挾樓接極工巧端門之內有左右翔鳳門日華月華門前殿曰大安殿使人入左掖門直北循大安殿東廊後壁行入敷德門自側門入又東北行直東有殿宇門曰東宮牆內亭觀甚多直北面南列三

門中曰集英門云是故壽康殿母后所居西曰會通門自會通東小門北入承明門又北則昭慶門東則集禧門尚書省在門外又西則有右嘉會門四門正相對入右嘉會門門有樓與左嘉會門相對卽大安殿後門之後至幕次有頃入宣明門卽常朝後殿門也門內庭中列衛士二百許人貼金雙鳳幘頭圍花紅錦衫散手立入仁政門蓋隔門也至仁政殿下大花墀可半庭中圓雙鳳兩傍各有朵殿朵殿之上兩高樓曰東西上閣門兩傍悉有簾幘中有甲士東西兩御廊循簷各列甲士

攬轡錄

六知不足齋叢書

東立者紅茸甲金纒桿槍黃旗畫青龍西立者碧茸甲金纒桿槍白旗畫青龍直至殿下皆然惟立於門下阜袍持弓矢殿西階雜立儀物幢節之屬如道士醮壇威儀之類使人由殿下東行上東階却轉南由露臺北行入殿金主幘頭紅袍玉帶坐七寶榻背有龍水大屏風四壁帘幕皆紅繡龍拱斗皆有繡衣兩檻間各有大出香金獅蠻地鋪禮佛毯可一殿兩傍玉帶金魚或金帶者十四五人相對列立遙望前後殿屋崛起處甚多制度不經工巧無遺力所謂窮奢極侈者煬王亮始營此

都規模多出於孔彥舟役民夫八十萬兵夫四十萬作
治數年死者不可勝計地皆古墳冢悉掘棄之金既蹶
蹶中原之地制度強效華風往往不遺餘力而終不近
似金主既已端坐得國其徒益治文爲以眩飾之始則
大修國制其歷曰大明歷金本無號自阿骨始有天輔
之稱金宮多內寵其最貴者有元德淑麗溫恭慧明等
十妃臣下亦娶數妻多少視官品以先後聘爲序民惟
得一妻

壬辰入辭

攬轡錄

七和不足齋叢書

癸巳出館

丁巳至泗州與接伴使田彥皋完顏德溫敘別

戊午渡淮

攬轡錄

完

和不足齋叢書

駢寫錄

驂鸞錄

吳郡范成大撰

石湖居士以乾道壬辰十二月七日發吳郡師廣西泊船姑蘇館

十四日出盤門大風雨不行泊赤門灣

十五日發赤門早飯松江送客入臘庵夜登垂虹霜月滿江船不忍發送者亦忘歸遂泊橋下

十六日發垂虹宿震澤前福州教授聞人阜民伯卿賀州文學周震亨皆來會余去年北征感腹疾於滑州且死復生今惟皮骨粗存比懷桂林之章再上疏丐外

驂鸞錄

一 回不足齋藏書

祠以老弗獲命乃襖被行則從故人李嘉言聖俞致一老成館客與偕聖俞舉震亨故今日遠來震亨舉業外尤精瑤瑤子林開諸書試評余五行則曰吾知之舊矣數語可決公欲過歸以老抑未也今南去三千里安坐再暮末年冬中復西南行萬里亦暮乃歸但此時某恐不及被公飲食教職之賜耳其言詭異姑筆記之

十七日至湖州泊碧湖堂

十八日湖守薛季宣士隆開宴方祈雪蔬食而且張樂十九日將遊北山石林薛守願同行乘輕舟十餘里登

盤輿小憩牛氏歲寒堂自此入山松桂深幽絕無塵事

過大嶺乃至石林則棟宇已傾頽西廊盡拆去今畦菜

矣正堂無恙亦有舊牀榻在凝塵鼠壤中堂正面下山

之高峰層巒空翠照衣袂略似上天竺白雲堂所見而

加雄尊自堂西過二小亭佳石錯立道周至西巖石益

奇且多有小堂曰承詔葉公自玉堂歸守先隴經始之

初始有此堂後以天官召還受命於此因以爲志焉其

旁登尚有羅漢巖石狀侏詭皆嵌空裝綴巧過鐫刻自

西巖回步至東巖石之高壯礪礪又過西巖小亭亦類

驂鸞錄

二 回不足齋藏書

矣葉公好石盡力剔山骨森然發露若林而開徑於石間亦有自他所遺徙置道傍以補闕空者方公著書釋經於堂上四方學士聞風仰之如遊璣景星諸石林所在又如仙都道山欲至不可得蓋棺未幾而其家已不能有委而弃之灌莽叢薄間遊子相與徘徊嘆息之不能去或謂此地離人太遠岑蔚荒虛非大官部曲衆多者難久處又云公沒後山鬼搶攘暮夜與人錯行婦子不能安室故諸郎去之云出石林飯旌善寺葉氏墳祠也嘗川有兩玲瓏山石林爲大玲瓏又有小玲瓏在長

與縣界路口聞其尤勝石林遂過之小玲瓏今屬沈氏
沈氏之父死二子幼方檢校於官此山石色微黃而更
奇古一三燕中空洞穴十數皆旁相通貫故名玲瓏泉
聲瀉壑磴中窈如深谷堂前小池石如牛馬虺隤其中
池後山屏上洗出之石巖積嵌錯巧怪萬狀缺罅清泉
泓泓叢桂覆其上亭館既無人居亦漸荒廢嘗川特無
好事者能捐厚貲買之沈氏雖不得仙亦足以豪矣玲
瓏山杜牧之所遊卽石林是小玲瓏晚出而加勝由沈
家步登舟回至城下一鼓後矣

鑿鸞錄

三知不足齋叢書

二十日發湖州十八里宿橫山橫山雖小乃截然溪上
蔽遮一川若前無路者相傳爲管川風水向背之要

二十一日發橫山宿德清縣

二十二日泊舟左顧亭訪縣中知識數家大抵倚山瞰
溪易得卜築之勝前戶部侍郎李公子至之居甚輪奐
其兄參政之子德甫者居郭外據一丘壑羣歲嘗過之
今其人亡室亦虛矣聞運使沈度公雅方考室往觀之
甚潔而庫堂之簷手可接也公雅素過庭所教常有
知止易足之說意其規摹出此左顧亭者孔愉放龜處

亭前兩大枯木可千年得清古物餘不知他今孔侯墓
廟在焉廟居墓前與其夫人像皆盤膝坐蓋是几席未
廢時所作巖溪倚山而薪蒸貴溪而不數得嘉魚以其
密邇行都盡取以往風物已不逮曩年出郊三里遊城
山頃歲赴太學試道病暑三宿晚對軒超詩壁間故在
凡僧寺皆南向北故夏無涼風聞自此過武康
纔二十五里道間有梅花邨以千萬計客行有程不得
住午發德清宿安溪

二十三日宿餘杭縣茗溪館

鑿鸞錄

四知不足齋叢書

二十四日至二十七日皆泊於餘杭乳母徐自登舟病
喘甚氣息綿悞若以登陸行則迷其絕委之恩義不可
過餘杭五日計無所出昨夕達曉不寐往來方寸中此
其勢必不可以遠行也且政使嫡母有兼侍而長子遠
使亦當就養他子况乳保哉張氏妹從其夫方宦臨安
又同乳於徐者遂決意謂之張氏分路時心目判斷世
謂生離不如死別信然

二十八日陸行發餘杭與吳之兄弟姊妹及親戚遠送
者別皆曰君今過嶺入屬土何從數得安否問此別是

非常時比或曰君縱歸恐染瘴必老且病矣亦有禦瘴藥否其言悲鳴泣且遮道不肯令肩輿遂行又新與老乳母作生死訣一段淒愴使文通復得夢筆作後賦亦不能狀也晚宿富陽縣廢寺中即客館也

二十九日晚復登舟大雪不可行

三十日發富陽雪滿千山江色沈碧但小霽風急寒甚披使金時所作綿袍戴積帽坐船頭縱觀不勝清絕刻溪夜汎景物未必過此除夜行役廟祭及鄉里節物盡廢晚宿嚴州桐廬縣

擊鸞錄

五知不足齋叢書

癸巳歲正月一日巳午間至釣臺率家人子登臺講元正禮謁三先生祠登絕頂掃雪坐平石上諸山綿然凍雲不開境過清矣臧獲亦食殊景皆忍寒犯滑來登始予自紹興巳卯歲以新安戶曹沿檄來識釣臺題詩壁間後十年以括蒼假守被召復至自和二篇及今又四年益三過焉復自和二篇薄宦區區如此豈惟愧羊裘公見篙師灘子慚顏亦厚乃併刻數字於石巖柱間而宿西口

二日午至嚴州泊定州館

三日泊嚴州渡江上浮橋遊報恩寺中有蕭酒軒取吾家文正公蕭酒桐廬郡之句以名浮橋之禁甚嚴歛浦杉排畢集橋下要而重征之商旅大困有濡滯數月不得過者余揀歛時頗知其事休寧山中宜杉土人稀作田多以種杉爲業杉又易生之物故取之難窮出山時價極賤抵郡城已抽解不貲比及嚴則所征數百倍嚴之官吏方曰吾州無利孔微歛杉不爲州矣觀此言則商旅之病何時而瘳蓋一木出山或不直百錢至漸江乃賣兩千皆重征與久客費使之

擊鸞錄

六知不足齋叢書

四日五日皆泊嚴州

六日發嚴州宿大羊

七日至婺州蘭溪縣泊澄江館此縣舊出名酒漕司扼其坊近年所釀復不及昔時大抵甘滯不快聲稱減矣

八日泊蘭溪

九日大雨連日小舟踰灣病倦又聞衢之龍游小路泥深溪漲渡江不如陸乃改陸行取婺州路晚至婺州泊

金華驛

十日泊婺州

十一日早飯馬海寺世俗所用百忌歷出此寺宿湯壩

一作

十二日早飯舍利寺宿龍游縣龍上驛未至有長橋工料嚴飭他處所未見前令陶定所作自登陸來所至山有殘雪邨落無處無梅客行匆匆自無緣領略可嘆也十三日至衢州自發至衢皆磚街無復泥塗之憂異時兩州各有一富人作姻家欲便往來其藝此路

十四日前吏部尚書汪公聖錫亦自玉山來同赴郡守數文閣待制張幾仲燈宴是日乃立春曉旆夜蛾同集

騷鸞錄

七知不足齋叢書

尊前眞良辰也

十五日十六日謁公於超化寺之兩山閣留飯與前館職鄭升之公明偕余與公明同召試同除正字校書郎汪公時修國史館中例序齒公明長余十餘歲復用故事遜公明公明力辭云各已出館正當敘官至遂巡欲逐去汪公拱立無言余從容請之公徐曰應辰舊與凌季文尚書皆爲正字季文年長上坐比歲僕以端明殿學士守平江過湖季文在焉時爲顯謨閣學士同會郡中僕亦用故事遜季文季文不辭公明遂就坐記於此

以補麟臺後志季文名景夏

十七日將發衢州暫遊郡圃登超鑒堂前守施元之德初所作甚得登眺之勝但恨小偏與木相直若右徒數丈盡對諸山乃佳夜行宿招賢市

十八日過常山縣宿蔣連市

十九日宿信州玉山縣玉山驛

二十日宿沙谿自入常山至此所在多喬木茂林清溪白沙浙西之所乏也

二十一日二十三日皆泊信州自此復登舟

騷鸞錄

八知不足齋叢書

二十四日舟行宿霍毛渡

二十五日過弋陽縣宿漁浦

二十六日過貴溪縣宿金沙渡去縣數里有桃花臺大壙石色如桃花旁入數里有龜山遠望一山特起與他小山接如龜然特起者其首也大抵自上饒溪行南岸綿延皆低石山童無草木色赤似紫或一石長數里不休或有如盤如屏如几及臥牛蹲螭之狀者不可勝計石上平淨可以攤曝麥禾

二十七日過饒州安仁縣吏士自信州分路陸行者適

方渡水取撫州路會余於南昌之宿港

二十八日至餘干縣前都司趙彥端德莊新居在縣後山上亦占勝同過思賢寺清音堂下臨琵琶洲一水灣環循縣郭中一洲前尖長後圓闊如琵琶故以清音名此堂從昔爲勝處晁無咎書其榜前賢題詩滿梁塵琵琶洲一名琵琶洲野人相傳長沙嘗早占云餘干新漲一洲如鼉遠食茲土潭人信之至遣人來鑿洲今有斷缺處又云歲澇洲不沒大甚僅漫琵琶之項後又謂浮洲餘干之名見前漢書縣有于越亭

驂鸞錄

九知不足齋叢書

二十九日宿鄒公溪

閏月一日宿鄒子口鄒子者鄒陽湖尾也名爲盜區非便風張帆及有船伴不可過大雪泊舟龍王廟

二日雪甚風橫禱於龍神午霽發船鄒子宿范家池湖中稱某家池者取魚處也隨一家占爲名道中極荒寒時有沙磧蘆葦彌望或報盜舟不遠夜遣從卒熱船傍葦叢作勢以安衆

三日未至南昌二十里泊

四日泛江至隆興府泊南浦亭

五日登滕王閣其故基甚侈今但於城上作大堂耳樅馱又借以賣酒佩玉鳴鑾之罷久矣其下江面極闊雲濤浩然西山相去既遠遂不能一至又登南昌樓江月臺郡圃偃仄無可觀江西帥前右正言龔質之欲取王士元三江五湖之句以廳事後堂爲襟帶堂余爲書其榜戲爲識曰襟者金也不三年府公其腰黃乎

六日遊東湖謁孺子亭又過其祠廟轉至詠歸亭東湖秀而野有多幽居松桂蒙鬱又過許真君觀觀鐵柱在東廡一小枯池中有柱出地上高三尺許其端如槎牙

驂鸞錄

十知不足齋叢書

如枯枿怪石狀不知其深幾何相傳以爲許君鑄怪孽於下且以鎮此方云漕使前司業劉焯文潛之治所園池亭宏麗大甚帥府然二使者乃其一圃

七日將發南浦終日雨諸司來集遂畱行夜分大雪作燃炬照江中舞蝶塞空亦奇賞也

八日泝清江宿張家寨

九日宿市汊緣岸居人煙火相望有樂郊氣象

十日宿上江兩日來帶江悉是楠林翠樾照水行終日不絕林中竹籬瓦屋不類邨墟疑皆得種楠之利江陵

千本古比封君此固不足怪也

十一日過豐城縣小簾寶氣亭聞舊縣去北尚四十里
劍池鄉張雷廟前有小池云掘劍處也又嘗徙治其南
名故縣今三徙至此沿江石堤甚中密如錢塘不如是
卽類壩不可保聚宿木湖灘

十二日風駛盡帆力舟如飛宿臨江軍初議詣宜春出
陸至此則江道漸淺大艘不可進遂泊夜大風急雪頃
刻積盈尺篷窗搖蕩震壓終夕危坐以須其定

十三日登富壽堂城西有富壽岡盤繞郡治以此爲形

騷驚錄

土知不足齋叢書

勝因以名堂登清江臺前眺江流練練如橫一帶關阜
玉筍諸山江外殘雪未盡縈青縹白遠目增明

十四日將登陸家屬已行獨昌微雨遊薌林及盤園薌
林故戶部侍郎向公伯恭所作本負郭平地舊亦人家
阡隴故多古木修篁廳事及薌林堂皆爲樾蔭所迫森
然以寒宅傍入園中步步可觀構臺最有思致護植大
梅中爲小臺四面有澗道梅皆交枝覆之蓋自梅洞中
躡級而登則又下臨花頂盡賞梅之致矣企疎堂之側
海棠一徑列植如櫛離位置甚佳其他處所自有圖本

行於世不服悉紀沒後諸子復葺牆後園池摹芳諸亭
亦不草草大率無水僅有一派入園作小池及澗泉之
類所謂虎文者亦不能詳致出薌林對門又有荒園甚
廣未及葺中有古巖桂大數圍江鄉無雙者伯恭欲爲
堂亦不果雨終日廉纖假盤輿以板爲底上起四柱藍
缺其前以垂足於空虛有雨雪則以僧笠覆其上兩夫
荷之盤園者前湖南倅任詔子嚴所居去薌林里許其
始酒家之後有古梅盤結如蓋可覆一畝枝四垂以木架
之如坐大醺醺下子嚴以爲天下尤物買得之時薌林

騷驚錄

土知不足齋叢書

尚無恙亦極歎賞勸子嚴作凌雲閣以瞰之迄今方能
鳩工梅後坡壠畝畝子嚴悉進築焉地廣過薌林種植
大盛桂徑梅坡極其繁廡但亦乏水當窪下處作池積
雨水而已周旋兩園遂以抵莫炬炳追及前頓宿倒塔
鋪始余得吳中石湖遂習隱焉未能經營如意也翰林
周公子充同其兄必達子上過之題其壁曰登臨之勝
甲於東南余愧駭曰公言重何乃輕許與如此子充曰
吾行四方見園池多矣如薌林盤園尚乏此天趣非甲
而何子上從旁贊之余非敢以石湖夸憶子充之言併

記於此噫使予有伯恭之力子嚴之才又得閒數年則石湖眞當不在鄉林盤園下耶

十五日過棲桐山遊玉虛觀撫仙茅作湯養記昔有王長史居此地許旌陽既仙過其家飛白茅數葉與之曰此茅備五味服之度五世乃以其居爲觀入蕭史洞隱去以餘茅植山後道士間採得之極芳辛以煮湯飲尤郁烈徒植他所無復香味與凡茅等余親驗之疑自是一種香草也觀中有飛茅殿仙茅碑南唐中書舍人江文蔚嘗爲修觀碑大中祥符中再修以純綠塗飾至今

驛驛錄

志知不足齋叢書

色可摘也魏國張忠獻公嘗宿此夢與君談養生有石刻志之宿萬安驛

十六日宿新喻縣

十七日宿袁州分宜縣

十八日至袁州桂林帥前大理寺丞李浩德遠先在此相候欲講交承禮爲置三日泊報恩光孝寺

十九日二十日二十一日二十二日皆泊袁州聞仰山之勝久矣去城雖遠今日特往遊之二十五里先至孚忠廟棟宇之盛與祠山張王廟相埒祠兄弟二王不血

食其神龍也舊傳二龍昔居仰山中以其地施仰山祖師遷居於此江湖諸郡皆春秋來祭奉之甚嚴廟有楊氏稱吳時加封司徒竹冊尚存文稱寶大元年余向居鄉得吳江邨寺石幢所記亦以寶大紀年蓋錢氏有浙時或曾用楊氏正朔此二證爲甚確也二王靈蹟有感化錄一篇著之甚詳此略之桂林返吏自言梧州亦有此廟問何以然則曰前帥中書舍人張安國赴鎮邇湖南賊李金方作亂廣西岌岌張過遠禱於二王如西廣不被兵當於桂林爲神立行廟云出廟三十里至仰山

驛驛錄

志知不足齋叢書

緣山腹喬松之磴甚危嶺阪上皆禾田層層而上至頂名梯田建寺之祖仰山師者專具傳燈錄中號小釋迦始入山求地一嶺前引今有總經橋至谷中卽二龍所居化爲白衣邇其地焉大仰之名遂聞天下二龍故蹟有大池上有顏淵亭別有一泓名叔季泉酌以淪茗自小釋迦塔後方竹滿山取以爲杖爲世所珍登寺樓以望四山各有佳峯每峯如一蓮華之葉如是數十峯周遭邇寺山中目其形勝爲蓮華盆晚出山復入袁州二十四日發袁州宿宣風市

二十五日宿七里鋪自離空春連日大雨道上渾泥之
漿如油不知何人治道乃亂填塊石皆刮面堅滑與夫
行泥中則漿深汨沒行石上則不可著腳跬步艱棘不
勝其勞

二十六日宿萍鄉縣泊萍實驛人以此地爲楚王得萍
實之地然去大江遠非是

二十七日二十八日皆泊萍鄉咽痛徑程以求醫

二十九日發萍鄉宿裏田驛

三十日宿潭州醴陵縣數日行江西道中林薄驢蹇

鑿錄

去知不足齋叢書

徑欽側比登一小嶺忽出山豁然彌望平蕪蒼然別是
一出陸基已是湖南界矣縣前淥水橋下小江本名淥
水比年新作橋改今名江色黛綠可愛流而川於瀟湘
驛屋最雄勝冠江湖間縣出方響鐵工家比屋琅然其
法以煑久鑄鐵爲勝常以善價買之甚破碎者亦入用
二月一日宿山陽驛夾道皆松木甚茂大松入湖湘松
身皆直如杉江西則柏亦峭直葉如瓊路二物與吳中
迥不同吳中松多虬幹柏則怪踠

二日宿儲洲市又當拾與沂江此地既爲舟車更易之

衝客旅之所盤泊故交易甚夥散壯縣

三日始汎湘江自此至六日早莫行倦則少休不復問

地名湘江岸小山披陀其來無窮亦不閼斷又皆土山

略無峯巒秀麗之意但荒涼相屬耳

七日宿衡山縣西望嶽山岩巉半空湘中山既皆岡阜

迤邐至嶽山乃獨雄偉特起若衆山遜其高寒者

八日入南嶽半道憩食夾路古松三十里至嶽市宿衡

嶽寺嶽市者環皆市區江浙川廣種貨之所聚生人所

須無不有既憶憶往來則汗穢喧雜盜賊亡命多隱其

鑿錄

去知不足齋叢書

間或期會結約於此官置巡檢司焉

九日上謁南嶽廟四阿各有角樓兩廡土偶仗衛皆取

則帝所正殿獨一神座監廟與禮直官日上香火後殿

乃與后並處湖南馬氏所植古松滿庭殿後東西北三

廊壁畫後宮武洞清所作紹興二十五年火發殿上燒

後廊壁本不圯官不時覆護漸爲風雨所壞帥司亟遣

衆工模搨新廟成用模本更畫雖不復武氏筆法然位

置意象十存七八自宴樂優戲琴奕圖書弋釣紉織下

至搗練汲井凡宮中四時行樂作務粲然畢陳良工運